

T5236.05/4462

189

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 20 1940



文苑英華卷第九百二十一

碑七十八 神道三十一

職官二十九 刺史三

贈丹州刺史先府君碑一首

揚州刺史贈工部尚書馮昭泰碑一首

豫州刺史魏叔瑜碑一首

常州刺史平貞泰碑一首

贈丹州刺史先府君神道碑

張說

府君諱騰字成隴范陽方城人也張子曰博學軒之儒

教茲木鐸詩一首 姓上矣詩存卿士奉友史有留侯世家八

葉至東漢司空皓公子字北平太守始居范陽四葉至西

晉司空準公子字建一 一作歐陽常侍乃僑江左昆孫大將軍



文苑英華卷第九百二十一

碑七十八神道三十九

職官二十九刺史三

贈丹州刺史先府君碑一首



括州刺史贈工部尚書馮昭泰碑一首

豫州刺史魏叔瑜碑一首

常州刺史平貞眷碑一首

贈丹州刺史先府君神道碑

張詠

府君諱騰字成騰范陽方城人也張子曰揮帝軒之胤肇

勲弦木賜

集作錫

姓上矣詩有卿士孝友史有留侯世家八

葉至東漢司空皓公子宇北平太守始居范陽四葉至西

晉司空華公子躋

一作

散騎常侍乃僑江左昆孫大常復



歸洛河故河東有司空砦洛陽有散騎里後司空至府君  
十二代不失仁義矣王公諱戈周通道館學士考諱格集  
恪無祿早世府君孳生遺育四代單緒家世尚儒不及伯  
魚之訓外祖爲理遂讀咎繇之書以明法歷饒長予二尉  
介休主簿洪洞丞以所願乎下事乎上以所願乎上交乎  
下反身與人何往不順臺選貞白覆囚山南人謂是行有  
典刑矣昊天不吊年五十二調露元年十二月乙卯捐背  
於縣解夫人長樂縣太君馮氏父威藍田丞敬循法度踐  
澁圖史顧復幼孤將就成立家道不殞夫人是賴享年七  
十有二傾背於東都康俗里第光瑤說不天夙遭閔凶又  
茶蓼先生制禮不敢從戚以景龍二年七月己卯安厝

於萬安山陽村從周禮也惟先君不祿俸不奉親不機杆  
不資身僚舊無鷄黍之接况非其類乎族姻無魚菽之愛  
况其人吏乎是全其高而善其獨也過四十始閱六籍觀  
詩得之厚觀書得之恒觀禮得之別觀樂得之和觀春秋  
得之正觀易得之元曰君子多乎哉事斯一言而已矣每  
誦道記三復三寶曰至人之心有以垂世又聞之太夫人  
云吾有子五十載非其疾無一日之憂太夫人亦云吾事  
夫子三十年耳無忤聲目無暴色先君子之違世也其憂  
戀者尊堂在殯歟聖善在堂歟我諸孤無日敢忘及王母  
終養二祖封崇亦尚克家成遺志集作訓矣若夫安親孝也  
宜家義也翼子慈也軌迹隱乎含光故當代罕耀馨香發



乎潛德故明神終勞先大夫久而益榮歿而不朽蓋此景  
雲二年天子嘉侍臣之匪躬念前人之蘊德二月乙巳詔  
曰故官某毓德高邁藏器下僚代載儒雅家傳清白河東  
佐邑長不欺之風山南覆囚溢無寬之聽徂謝永久丘墳  
不飾啓茲令胤貞事先朝宜崇追遠之恩以表揚名之志  
可贈使持節丹州刺史王澤漏乎泉壤國禮崇乎宗廟漢  
帝論士恨不見李牧之爲人曾子思親泣無逮楚王之厚  
祿道存運往痛矣餘悲緬尋前哲之所以聞無聲於四海  
視不見於百代者匪銘頌歟栢麟蔡邕其則不遠嗚呼霜  
露交積松檟滋深兄弟永懷相顧將老胡伯虎豈敢掩大  
夫之情陳季方何足知家君之德小人銜恤非曰能文其

惟辭於他者務傳信於我也銘曰

荷嚴考用玄妙體太和竭高志貞夫一戒其多孝于親正

于家刑于訓清厥心晦厥迹畏厥聞集無寶如何其謙儉

孝集無慈皇哉褒德永世有詞

故括州刺史贈工部尚書馮公神道碑

金之爲寶百練而惟精玉之稱德久幽而不昧聖人美焉

君子比焉可鑠也不可奪其剛可毀也不可污其潔備哉

馮公秉斯操矣公諱昭泰字遇聖長樂人也說學於故史

豈不聞勇氏之厥初乎畢公建德乎周畢萬大名乎集作

魏別封之裔遂氏馮城秦則丞相並時漢則將軍重世積

仁鍾慶王者鬱興間晉南浮因燕北號家變成國爲天下



惟動業競五霸之先子孫齊二王之後公即昭成皇帝之  
 十代孫也高祖大將軍隨州刺史長山公謙以寇恂之才  
 翊戴周武曾祖兵部尚書左僕射魏國公世基以曹參之  
 力經濟隋文大父尚書右集作左丞檢校御史大夫少府監  
 楊州刺集作長史安昌公命長命以佳吏之名勤勞皇室考  
 仁高亮無祿子道不究故公幼而襲安昌公焉清明激澈  
 標格峻堅夏翟耿介無矯飾於帝茲寒松青冥不受令於  
 霜雪專經親奧習法精理起家左奉格集作裕是改讓賢府果  
 毅換文州司馬為酷吏所陷罷官人之調榮州長史屬城  
 慢法按而繩之入計會府讐家橫訟明勅杖其愬者遷公  
 秦州司馬朝廷翕然知有王法復假左臺侍御史江蘇進

燕察使類會高等加朝散大夫進潞州長史堆岸受滯獨  
 醒見嫉轉湖州長史公束濕不回聚蚊交訕集作訟貶為鏡  
 州司馬未行降使詳覆拜鄂州刺史制曰公志氣剛勁操  
 履貞潔歷佐藩條咸有聲稱詰奸繆不避強禦苦節清威  
 若凌霜雪頃因讒毀遂有貶降使者按問皎然明白俾從  
 優獎特加寵命其在江夏具政風行入為太子家令兼知  
 內外鑄錢事國泉是殷盜鎔乃絕河朔淫雨帝思作又俾  
 公檢校邢州刺史散有調無人忘歎歲帝乃璽書勞焉其  
 旨曰卿忠於事君簡以臨下忘私徇公之美歌謠所載擒  
 奸摘仗之奇吏人攸仰雖陳朔之貶黜邪慝王業之斥除  
 貪殘無以加也一郡清靜副朕意焉其後以戚思疑作慝  
集無此



字累移睦州刺史復爲郡小所諧左授泉州司馬未之任  
又貶榮州司馬公砥節荒服天高聽卑旋除温州長史俄  
復舊階拜括州刺史水國濺沕告疾言歸景龍三年六月  
十三日終於蘇州之逆旅春秋六十有五正人歎息舊吏  
集作傷感公清白傳家信義高世門有奇士室無長物夫  
其善於鈎距長於衿帶法嚴令峻人寬吏急當官而行不  
畏集作讒慝之口除惡務本不求愷悌之譽出入從官十  
有六職以謗獲貶者五洗謗特遷者四不曰忠乎將無悔  
於九死不曰直乎焉往而不三黜故人謝而名益著迹遠  
而風可懷也皇上志其持法不撓贈大理卿本其坐樹無  
謚之曰節窳窳之事一以官供哀榮之禮被於存歿

附天子嚴謁山陵訓人追孝推心庶物瀉澤幽泉公長子  
少府監紹正次子給事中紹烈並構層堂仰延榮贈乃贈  
公工部尚書君子曰孝必錫類忠則不墜臧孫達其有後  
乎鄭公業爲不忘矣夫人瑯琊君右集作相邢公及善之  
女垂拱一年三十六而夭後夫人彭城君鴻臚卿善因之  
孫女景龍三年五十有五而逝所謂齊姜昭前邦媛輝後  
碧樹光落悲同孫楚之妻紅蘭漸苞貴在馮勤之母以開  
元十八年十月壬寅塋我節公於長安縣高陽原夫人王  
氏劉氏祔焉禮也長子紹正少府監第四子紹忠未仕第  
五子紹烈御史中丞孝乎二連之心思崇三絕之美魏主  
來顧賞幼婦之碑秦師不侵尊死士之塋揚名稱代道遠



乎哉銘曰

古之志士忠不違

集作

難倬哉馮公矯此雲翰

集作

群小彼何足筭屢困忠直天下改觀經用百年窮達相半

貽慶二子雙承天渙嚴嚴大理人命是懸聖明表贈王道

無徧六卿冬官百工攸序韓稜雖沒龍泉可許丘陵鼓舞

兮改谷移山

集作桑改壑移

歲月崩波兮有去不還唯德音與頌

石傳不朽於人間也

集無也字

豫州刺史魏叔瑜神道碑

前人

公諱叔瑜字思瑾曰魏氏鉅鹿曲陽人也考太師鄭文貞

公致君皇極配神清廟故祖德胄系叙於太宗之先碑矣

公生育慶緒天然炳胎教之姿少長德門日用成躬率之

化性盤於孝友習狃於禮樂俛仰中則從容蹈道加以

精好古旁通多藝聖人之所志聞一而反三君子之所能

舉十而知九與同生璘琬知名當代始以門資補左千牛

轉洛州司兵司議郎職方郎中太子洗馬出為懷州長史

歷慶慈儀豫四州刺史春華譁於兩宮時雨零於四郡觀

風之使所在聲聞變雅之老到今遺詠其年春秋五十有

一終於豫州塋於

集作

舊城大人原王氏祔焉禮也議者

以公不避強禦有昭子之政事不為皎厲有康子之隱德

虛已尚賢有文侯之樂善重諾分急有信陸之高義人鮮

有一况兼四乎公賦入封君妹歸帝子車馬無戚里之盛

衣服有儒者之節儉而得禮富而無驕蓋奉先人

集作此字之



素履也公善於草隸妙絕時人以筆意傳次子華及甥河東薛稷世稱前有虞褚後有薛魏此又貽訓之餘美也嗟夫公學埒向歆操齊固燮若夫假三壽朝登六事則鄭之栢武可尋漢之常平一揆而年近知命位止方州落鵬翼於半霄負天之力莫展頓龍媒於局路追風之勢斯畢九原不作誰將與歸二子獻華追完先德俾余作頌以慰罔極銘曰

昂昂豫州毓粹含道欽若古訓思文烈考於穆烈考維國之師公承丕構思皇纘之發軫臺閣風流榮問建麾千里澤霧四郡位未充德命不遂才彼蒼孤善謂之何哉必復丘封永久穆如清風振芳  
集作 厥後

常州刺史平貞春神道碑

前人

公諱貞春字密一字間從燕國薊人也蓋晉之公族有韓國者列於世家韓之餘子食平邑者因爲氏姓有漢丞相改造繡衣在魏薊侯宅茲玄社故瓜瓞綿于三輔枝葉盛乎兩燕魏齊之間世濟其美公即北齊司空公鑒之曾孫秘書卽子敬之季孫故偃師令直容之叔子鍾積慶之洪胤包太和之粹靈敦龐沉静直方簡易仁義根心政理性度以禮義文以詩書戶部尚書清河崔知悌朝望人倫公之文友深賞延譽遠近宗焉始以司成館進士補廬州慎縣尉刺史盧寶胤舉噐藏下寮轉冀州大都督府縣尉換晉州洪洞縣主簿北平陽道昕氣尚標舉河東裴知



禮鑒裁精技陽推以孝友資身裴亦薦以經邦興化徙雍  
州新豐縣尉盧少儒引爲檢點判官差卒選校小大推允  
休議登聞擢監御史裏行奉使黔中監選有牂牁謝鳳節  
仁奏罷漢官專任首領公上其挾姦樹黨椒擾藩落天子  
悟焉再使置吏遠夷騷而旋定舊貫改而復完又駟牧在  
野攘竊是繁耗以歲月莫之禁禦公輶車上隴群慝畢露  
表監官斛斯果之輩奪職者九人沒藏者萬計牧圉知禁  
思無邪矣開耀間吐蕃侵境師旅不給乃購運酬勲募耕  
入選利之所聚詐亦居焉公與大理正王守一於河蘭鄯  
廓四州推獲僦糴王希古盧種王誕其徒二千餘人正處  
其罪爰德集作我直授監察御史內難去職居喪過毀死

光宅初肇延西臺分典百郡服闕授右臺監察御  
史巡察河南澄清郡邑昇賢獎罪能執其中類功最加兩  
階拜右肅政殿中侍御史卽官法天古難其選固美斯在  
再拜司勳員外郎未昌中遭凶黨網羅爲周興所奏貶温  
州固安令州特舉清白改鴻州櫟陽令邑多猾人屢宰敗  
駕公威簡有素誠結無欺一作率是而行人用不擾獄行  
自靜狼戾反慙詔書嘉譽加朝散大夫又罹密徒具錦爲  
河內所鞠降括州員外司倉尋而事白進吉州司馬神龍  
中興官反舊政窮鱗沛而縱壑墜羽翼而順風拜司門郎  
中兼衛王司馬無何正除衛王司馬拜太子左庶子以節  
愍之禍出爲涪州刺史未往又轉盧州刺史致仕久之景



龍中復起左諭德兼榮文館學士詔曰公縉紳者彥操履  
清淳令譽播于始終嘉績宣於中外儲闡論論雅望允高  
宜申朝典俾加徽服可銀青光祿大夫又攝詹事東都留  
守拜常州刺史居歲優詔致仕享年八十若干先天元年  
仲冬薨於河南之正平里第遺令近地便葬歛以終腹開  
元二年冬卜葬於伊闕之西夫人河東縣君柳氏附焉禮  
也公出入四朝歷官二十其進也皆釋疑作能錄勤惟德  
是與其退也必含垢受屈在涅不淄子文之量從可知凡  
撰純孝友悌傳各一篇以匡儲后撰先君親友傳十卷以  
寫故舊撰家譜家誌各十卷以明系本撰河南巡察記十  
卷以辨風俗非通理博物立誠錫類者其孰能見志以

因事以設誠若斯之盛也有文集十卷行於代初公繼  
柯清廟有麾士之宜而先考偃師贈蒲州長史自祖考三  
葉瑩無碑記公咨諸通儒而追建銘碣幽趙之士以為美  
談夫為子則頌德以尊祖飾終以榮親孝之大也為臣則  
不枉毫髮以顧私不避豺豸以撓法忠之至也潔志則利  
不涉口欲不萌心清之源也履道則不俛眉以悅勢不屈  
色以苟容正之方也詩曰仲山甫舉之公有其德傳曰左  
丘明耻之公有其直總是四善遠齊二賢於是芬苾令問  
優游眉壽惠風激于勝流丕績敷于哲后然以忤彼權貴  
保茲介特不登三階以正四國貞白之似愾焉太息其孤  
總授充窮泣血靡所寘懷俾余作頌布哀豐石恭惟先人



之寮友常奉長者之話言公雅珍確實不尚華靡敬順風  
規直紀行事業廣詞編萬無髣髴少子授八分之妙獨善  
當時公平日惠愛故存之刊刻詞曰峩峩淑德克生休命  
履孝蹈忠含清體正如王之潔如金之鏡高明徇疑作美  
學以潤之官方正事靜以鎮之嚴嚴憲府公三峻之赫赫  
儲宮公三訓之道有行廢時有否泰三入三黜無愠無喜  
鼓缶而歌懸車致仕全歸塋儉允也君子西山幽幽東川  
悠悠雲過墳闕風薄松楸人亡道存榮往哀留貽世作則  
行歸於周

文苑英華卷第九百二十一

文苑英華卷第九百二十二

碑七十九神道碑

職官三十

刺史四

贈涇州刺史牛意碑一首

贈隴州刺史王行果碑一首

贈汾州刺史常鈞碑 壽州刺史郭敬之碑一首

贈涇州刺史牛公神道碑

張九齡

夫志道莫先於無欲福善莫大於有後始而悔跡終不近  
名非道德之合歟生我勞臣立而集作于遠績非善慶所致

歟所謂伊久其在牛公者矣公諱意字其其先子姓實始

殷後有牛父者則宋之大夫胤裔蕃衍人物更盛邨為護

羌校尉崇為隴西主簿遂家隴上是稱冠族其後因官安



定爰處鶻觚今為郡人亦既重代矣公之族祖有奇章公者隋室宗臣風流篤厚典章損益百代可知天下稱之地靈斯在太父通秉志高尚守道不撓當時交辟辭疾不起父會弱齡早代有才無祿公夙遭閔凶終鮮兄弟性具純至孝思罔極幼以子立志不違邦與道為徒求仁自我不胥軒冕考槃丘園雖云屢空晏如也六郡自古五方雜錯負力怙利上氣好武人庶相放風俗不純及公中和其返真樸外以義行格物內以默致頤神不飾智以驚愚不棄同而即異有恒其德無斁于集作放人隣落為之變風很戾以之率化公既浮雲不義石惟一或勸之仕但笑而不言飛鳴宜冥胡可量也開元六年隨子西征以就色義

高矣道茂年衰魂氣廿六歸賢德共盡越五月寢疾終於伏羌之官舍時年七十有六冬十一月歸塋于北原夫人

同郡王氏不享偕老先是即代母儀婦德朱子齊姜自歸

于我宜而

集作爾

家室不有配德曷生此子有子仙客為國

之良用商君耕戰之圖脩文國羌胡之具出言可復所計

而然邊捍長城主恩前席且以子貴之義有加父存之禮

玄澤下逮素風激揚陰德所流大福斯至十八年有詔贈

涇州長史二十二年冬且有後命贈使持節涇州諸軍事

涇州刺史夫人追封太原郡夫人於戲存有累仁沒有餘

烈福自昭於互體道非冀於異特及其影響同符寵光如

峇雖松楸已拱而章綬

集作綬

載華死有可作無異會稽之



節生苟為耻安用鴈門之肉貴與不貴可不然乎嗣子銀  
青光祿大夫太僕卿判涼州持節河西節度兼隴西邵牧  
都使支度營田使隴右採訪處置使攝御史大夫隴西縣  
開國子仙客叩心追遠矣集作號天莫逮以為先美蓋闕後  
嗣有愧且澤漏幽壤得不銘恩名典本州豈徒錫羨而已  
銘曰  
隴上多豪山西好武使君貞獨幼不斯取惟道為徒與代  
為矩善有餘慶風亦變古不學而知不行而至跡有相混  
名有自異出入百年終始一意福流于後神明其事行止  
於身用存互體厥子嘉績中朝縉禮邛廻壠隧門重旌繁  
遊人之墓今同郡邸

長安縣尉贈隴州刺史王府君神道碑 李邕

邕聞才不必用度疑作慶有必鍾盡滯或牽於時首正終會

於古故志氣也不謀於食而謀於道生祿也不在其身即  
在其子始終備致後起追棄謀翼孔彰前循邁種互體相

發他日同時哀榮大來幽明通感長河一曲所以端其濬

源高山四成所以極其層阜粵未可測已府君諱行果字

某大原晉陽人也其先抵于魯稷幹于季文枝于翦離條

于吉駿代關絕疑史朝弗曠官自古及今令名不去六代

祖叔後魏尚書令封中山王贈大宰謚曰宣五代祖襲吏

部尚書嗣中山王謚曰惠高祖忻散騎常侍北肆州刺史

謚曰穆魯祖子景徐州別駕北豫州司馬祖元季府君屬



隋政分崩賢人伏匿誓言避地執心葆光迫以族弟本州  
遠慮物義辟大中正開府儀同三司考有方府君皇朝岷  
州刺史皆寵義從禮尊仁依信增業以行道兼濟以守官  
府君間氣茂靈上德純粹風度簡曠神清秀按衣冠禮樂  
超等出徒博達聰明舉衆敵國無成足乎多藝不器非其  
一名讀聖人之書閱上將之畧每及忠公大節孝友至情  
太息戶庭垂涕枕席撫然有開物致君之意立德顯親之  
心皇士目之通才許之好人一作仁從田蘇之遊求已慕蘭  
生之義至於手畫耳聽口誦目數置碑背局谷難詩賦公  
每屑焉人所服者弱冠以方聞授潤州司兵參軍事自頃  
正官養求同家侵欲或專咨儉嗇或懷其安荒一觀禮容

載敷先訓不俟憲矩若對神明信所謂正刺邪德形物  
於此也未幾宅岷州府君憂七日絕經三年廬墓泣變青  
棺祥臻素鳥野老明徵邦牧表異府君泣面而視歷肝而  
言曰所不死者恐貽慈母痛悼豈願居卑外冒聲名叩頭  
止之外除宋州司戶參軍日者甫疑無水虎唐士為凶年

奸吏舞文詭隨畢賦詩誅求公聚作為調恤者習為常焉  
府君位其農郊什其居室正之以法糾之以詞勿言寬征  
足革舊染議者以為平宰社肉武習宮人一荒知秋百為  
有典矣總章歲駒麗負海欺天國家汎舟討罰御急宣之  
明命齊懸軍之見糧董其轉輸舉于幹職是役也繫公遷  
長安尉無何丁太夫人艱禮異於經毀甚於昔且一尊孝



等偏罰事殊往顧慈親今極真性臨穴號叫仰天殞絕嗚呼孝歟春秋三十有七夫經德而天代人所悲執喪而城錫類所痛有一於此則可以束名教感人倫况兼而極乎夫人中山甄氏父雍州豐崇府左別將黃陂縣開國男食邑三百戶行府君之息女嬪有令言母有彛則從夫德貴訓子業崇力遷於山祔同於穴粵以景龍三年歲次巳酉十一月庚寅朔十三日壬寅合葬于洛陽清風鄉之原禮也長子駿慷慨英達激揚忠孝誦習文忠照宣幹一作畧元宰經國上將眎師申通明之偉才竭寅亮之誠節其志如石其心如丹五閭三連少籍多得空始一作細疑無所逞其計合散無所用其鋒李牧十年武侯七縱盡立聲一作勢於

河外揚主威於海濱三士列其多備九原備其光寵開元十一年九月八日制曰存樹其名沒而不朽緬惟褒飾弘是典章兵部尚書同中書門下三品上柱國行果粹靈誕和敏德成器高節夙著盛名有歸雅志未伸促齡永謝象賢之美不展於亨衢而積善之徵克崇於後嗣歲紀方邈徽猷自遠宜申寵贈使持節隴州諸軍事隴州刺史勳如故次子暉故邠州永壽宰神和體正經明行脩有角無齒惟天之道與才不壽匪身之辜兄也孔熈緬然增感願述光德克贊豐碑高燥有以壯孝心樵蘇有以敬賢墓其詞曰德不孤慶有績迹時晦賢必復名實才尊匪祿博技藝窮簡竹耳暫聞心以蓄手未止目猶逐碑可背奔能覆坐



嘯委行道最孝深至滅太盛獎教義揚雅俗位嘗卑齡雖  
促推仁信致戩穀鍾今子發華族振武族廣文囿經廟堂  
掃邊服昭皇考贈丹轂臣義著子道足哀且榮幽旣燭考  
罔已性相屬碑乃建神所福

贈邠州刺史常公神道碑

韓休

夫賢者所以稱至業也居賢而德故有尊位者所以叙才  
用也有才而位不必貴緬覲志則代有其人焉公諱鈞字  
季和京兆杜陵人也昔大彭授征伐之任惣齊群后立爲  
商伯扶陽擅儒雅之道儀刑列辟起爲漢相由是邁種厥  
德光昭盛門軒裳奕葉以濟美靈庭昫蟹而相屬故夫重  
傳洪業啓彼玄緒淳德介祉歸諸後昆者焉魯祖澄皇朝

子祭酒儒門肇業國庠貽訓祖慶植皇朝舒密二州刺  
史政成師長化洽黎元父璠皇朝駕部員外郎譽重國禎  
道高人望光膺三署之拜克彰九德之美公淳輝秉靈鳴  
芬錫祉合英秀發揚光炯曜其少也則珪璜自然克有成  
器其長也則禮樂攸在光其大名式是古訓洽于前列懷  
利器而待割含虛明而獨照學無不綜窺先王之書府言  
必有則得夫子之文章挹其道則虛往而實歸論其德則  
敬容而貴允所謂樂只君子邦家之暉者也解褐以常調  
授綿州魏城丞矯曾翰凌絕壑立茲政聲弘彼邦教以充  
異擢授雍州長安尉未幾遷雍州司士參軍超于輦劇佐  
此神京旣位以才遷亦高由政舉無何轉洛州陸渾令京



又列英華 一八九百三十三卷  
臯底績河縣爲柴銅墨載美絃歌用譽以親累出爲晏州  
嵯峨縣丞尋改授雅州司功參軍遷雍州三原縣令又改  
授邠州三水令又改岐州扶風令窮通在命喜愠在我當  
運而寵辱不驚養空而逝止恒適用能因事立訓自公滅  
私雖得喪繫乎其時亦風執存乎所蒞者矣嗚呼物不可  
終否道不可以遂喪夷然順之艱以禎之俾夫人亨則自  
天而祐之矣景龍二年聖人發明制褒有功授太子司議  
郎內供奉尋正除乃遷尚輦奉御恭承嘉惠肅奉爨則膺  
美選於禮門拜殊榮於御府又以親累授果州司馬尋改  
授漢州司馬公道直而正德貞而脩雖行必恒存而運無  
常泰善不違已固無負於神明累則因人亟又從於

人有厚於德而薄於命行其道而屈其身者歟栖遲  
列竟以卒歲以開元十一年十二月十九日遘疾終於漢  
州之官舍春秋六十有四惟公含弘光大洵秀冲雅澹然  
而靜謬乎以清神崖自高海量孰測韞隨和以增美將蒞  
蘭而共芬而天爵斯茂朝宗莫及盛名空

一作斯

在昌運不

番可爲長歎息者也以開元十二年七月二十五日遷窆  
於萬年縣洪固鄉陪先塋禮也公之第四女蘭畹生秀金  
閨植德以良家之選參帝子之榮克彰慶善之餘允協徽  
章之命開元二年正月四日乃下制贈公邠州刺史贈先  
夫人薛氏晉國人夫制曰代榮簪組才稱楨幹方居參佐  
奄謝中年朝選良家旣聞餘慶義崇恩禮爰在飾終且分



符節之榮無黍笳簫之夢可贈使持節邠州刺史并贈夫人爲晉國夫人非夫弘風勵俗明察在人豈能褒崇光茲訓翼者也君子曰管氏之世祀不亦宜乎其斯之謂歟有子尚舍直長悅然等晉之明用幹蠱而克求惟孝思訓我淳則爰播美於穹壤用齒芳於篆刻乃爲銘曰  
緬彼大彭兮佐於有商自我楚傳兮慶流扶陽逮茲後昆  
兮奕世以昌誕此明德兮與時而光良王不斷兮幽蘭自  
芳爲邦之彥兮爲人之綱明德之脩兮而命之不滅旣道  
崇而位薄亦身沒而名揚嗚呼積其善也聞季女之寵章  
崇其構也稱鄭公之不亡勒貞石旌高堂德音昭昭以乳  
彰俾夫墮泱之美者豈獨岷山之陽

壽州刺史郭公神道

苗晉卿

公諱敬之字敬之昔王季之列乎周虢叔之胤或謂郭建  
國命氏百代可知則有燕昭築臺尊賢師隗漢祖分邑行  
賞封亭魯祖廣意光祿大夫生益儒爲馮翊之表也鷄犬  
之聲相聞公先祖後徙宅於華山之下今爲華州鄭縣人  
也烈祖履球金州司倉大父昶涼州司法并不緒齊美不  
殞其名端操履正有恒其德故鄉黨交友以爲法度嘗論  
人曰吾居閑而不悶其寂望榮而不貴其厚有道則仕豈  
牽乎祿則居之所以從好利貞亦其自然所以不至大官  
大邑也各尚其志夫復何言皇考通美厚主簿器大孤特  
識兼精照明究群書英聲誇邁於遠近矣初履畿甸縉紳



歸高將昇臺閣雲霄自遠惜乎才仰餘地命嗟促齡公受  
天正性承家高範一作轍致用成於私室可試進於公門望

刑而高深莫窺聽言而是非不惑所蒞造適不可得其詳

也凡歷州掾至別駕者三轉府寮遷郎將者五兼國練監

牧使各一除吉渭綏壽刺史共四州累勲上柱國進階中

大夫其牧守之理皆政聞一方化行千里變俗思義一作施恩

酌物一作斟酌從宜而節費尚儉用簡鎮靜清可率下寬能安

衆舉事皆當察情必盡所謂愷悌君子人之父母何異乎

仁風甘雨被於萬物也故天子璽書慰勉以彰分憂休蹟

之聞焉未盡百祿可延三壽享年七十八以天寶三年正

月十日遘疾終於京師常樂里之私第聞者未懷一作感

涕夫人平原郡君河內向氏配哲生才夫賢子令德一作德

美慈加訓深嗚呼哀哉慶可延而靈不祐先窮泉而別華

堂天寶十三載四月二十日合祔於京兆少陵原禮也頃

羯虜犯順王師討逆公之子子儀任愬元戎誓清大盜常

山擒敵之後靈武翊聖之初成我六軍前驅效死於是掃

秦里之寇復開奉天繫陝郊之俘更收洛邑加以蒲坂之

下淇水之上摧暴廓地二城無虞况師不遷延功皆戰伐

豈敢言病必先啓行此由許國捐軀輸忠奮勇或謂公曰

書勲疇賞莫與爲二公曰我國家將去否復必反正伏聖

威而誰敢不雄奉睿謀而舉無遺策非爲已力所謂天功

帝曰朕嘉爾竭誠稟命平凶除惡遂自御史大夫拜兵部



尚書同中書門下平章事俄而改司空換僕射又除司徒  
兼中書令列爵代國實賦千戶蓋武定聲偉若茲巍巍者  
也他日又追贈公亡祖兵部尚書亡考太保亡妣魏國夫  
人弟姪子孫亦皆進祿位紆金紫此又殊常之思也太保  
公禮畢封樹悲深歲月今慶延身後仰雨露而無涯德發  
生前比金石而不朽永言淑懿實在昭宣無窮之聞光乎  
刊刻銘曰

北州望崇左輔源同代無達疑德慶延我公仁能濟衆信  
必由裏邑疑裏支持凜凜清風知周才美君子不器掾州  
佐藩戎秩軍使砥礪直道筆遣流事騏驥長途可遣百轡  
郡循良政一人疑康道之軌度終然允臧於惟聖善

籍方何怙何恃痛極悲長少陵原上盡爲幽宅何伐丘隴  
誰家栢松司徒所天太保追策哀榮超冠千秋聖澤行由  
邑全名自人傳勒茲銘記表于墓田繼代者未知先德行  
路者過想遺賢紀實昭懿俾奮億年



文苑英華卷九百二十二

文苑英華卷九百二十三

職官三十一刺史

安州刺史杜鵬舉碑一首

泗州刺史李孟犇碑一首

晉州刺史高武光碑一首

安州刺史杜公神道碑

楊炎

受正性者德之元纂重侯者業之盛君子體仁以合德積厚以感通著于神明光于祚胤者其惟杜公乎公諱鵬舉字某其先京兆人也七代祖諱模後魏為濮陽守衛人宜之子孫世居東郡故今為濮陽人夏有豢龍之官周封唐杜之國世載侯伯勳藏晉魯周公錫命玄旗火龍拯三代



之哀參五霸之業斯保姓之始也漢有建平侯策定中興  
晉有當陽侯克并南夏其食鄴鄙盛西郊之黻冕其分荆  
濮祚東國之山河斯不朽之宗也濮陽生陳番太守諱亮  
陳番生高祖北齊膠州刺史竟陵公諱加竟陵生魯祖隋  
鴈門太守諱保鴈門生大父唐蘇州司馬諱義寬蘇州生  
皇建平侯荆益二州大都督府長史諱慎行洎貞孝公秉  
哲以輔先朝今黃門戴天以成大業自魏七代以方岳登  
聞在唐兩朝以台衡致理斯邁種之仁也公貞孝之兄黃  
門之考天脩其爵地寧一作學賦其才神抱虛廓智藏著蔡口  
目河海儀刑嵩華學可以掌邦教詞可以宣國風少與范  
滂滂藏用隱於白鹿山以太夫人有疾與清河崔沔同樓

於蘭陵蕭亮聲色之微以誠達疵癘之祥以氣變屬屬  
府君作鎮荆楚有詔門子親侍禁闈起家脩武縣尉歲滿  
以書判超等授濟源尉以正議登朝拜右拾遺昇玉堂以  
謁聖君陳格言以利天下黃門侍郎張廷珪國之髦碩洛  
州長史皇甫知常人之標準羨公志行嘗與請交公精義  
入神洞究奧蹟初睿宗踐祚冥感祥符觀玄期於化元啓  
成命於幽教人所以行非常之運天所以歸億兆之心玄  
宗時在東宮表公所言請編史冊時應令賦詩御札批云  
畢公之任諒一作亮籍伊人思入風雅靈通神鬼後以親累  
出爲岐州司倉轉同州司士開元初上以中都稍食省何  
漕之徃大農器用賦晉山之鐵牧馬于歸獸之野考室于



文苑英華卷之六十一  
迎春之宮闈中始置踈决塩鐵長春宮三使詔以公爲判  
官明年天子東行河隄陟格獸之塲開濯龍之沼停鑾上  
苑晉宴天泉酒酣樂過公獻賦以諷於是有采章之錫遷  
者作佐郎太子左贊善大夫都水使者邠王府司馬豐王  
府長史中散大夫安州刺史公爲政在上位畏于上貞一  
以守之齋莊以蒞之其始也居右正詞王侯嚮慕其終也  
踈通簡易禮化興行方將坐周召之堂陳歌訓之典法象  
魏登天庭而明德壽於中年壯圖悲於下國命矣以其年  
月日終於官舍明年二月葬於壽安之南原遵遺命也夫  
人河南郡君尉遲鄂國之孫邛州刺史壞之女也抱含一  
之德友于君子受降神之祥克生元輔天寶四載終于山

別業其終附焉從周禮也長子靈瓊陳州太康主簿續  
家祥而命奪其祿次子奉遙有異學而天喪其文荀陳同  
德顏閔齊化季子山南劍南道副元帥特進黃門侍郎同  
中書門下平章事衛國公鳴漸身負蒼旻氣和嵩飪以符  
合斯運以道佐唐虞文繫訓謨化齊混象大勲格于皇極  
厚寵揚于祖考某府君先贈大常再榮師保夫人舊封宜  
陽增號某郡三錫桓公之命是尊孟母之賢惟公主忠孝  
根仁義事親有極致之道執喪有寧戚之哀威廢鞭笞愠  
忘誚讓其立身也冥觀天理合含幽鑒強志通於衆藝敏  
行求於古人考聲教觀曆象動合靈柢之贊居順陰陽之  
和其達誠也憂喜極中權利交喪歷官十二遠悔吝之形



春秋七十抱純精之氣其保終也君子謂探命曆誠也專  
藥膳孝也補衮職仲山之志也頌王風吉甫之才也濟美  
藥武之德也有後臧孫之慶也宜乎正訓百代垂鳴千古  
存被先公之冕服沒為天子之元老勒鍾鼎建廟堂金石  
以頌聲丘陵以表隧乃假詞末學觀德將來銘曰  
於赫大師德音孔遐道之氣象物之精華文學鄒魯羽儀  
邦家選于帝庭帝廷有儀聞于官府官府允釐明晦光耀  
際含天機識真紫極建旗青浦熊負金印虵蟠朱組時哉  
功名海變今古精蒐歸復宜陽之下我有家嗣為王寶臣  
德一作寵延沒世功被生人岸谷磅礴丘陵故新蒼蒼頌石  
萬世遺塵

泗州刺史李君神道碑

李軫

夫崇孝悌者必竭力以事親厚忠貞者亦盡心以奉上故  
聖人廣而教之以勸遐裔至若馬遷續太史之紀安國傳  
夫子之書潘氏家風謝公別傳內足以貽厥後昆外足以  
錫祉爾類小子不敏仰希前哲竊述類本用表流光君諱  
孟準字公悅其先乃太上玄元之系五代祖景皇帝始封  
于唐高祖諱亮至德初追冊鄭王諱曰孝曾祖諱神通武  
德初以佐命元勳封淮安郡王開府儀同三司尚書左僕  
射諡曰靖烈祖諱孝義武德初封永安郡王貞觀中改封  
膠西郡公銀青光祿大夫司農卿上柱國襲膠西郡公至  
德初追贈平陽太守皆斧藻至德琢磨令範仁經義緯敦



教易俗理化勲庸備詳史謀君純懿靈粹得之自天先府  
君貶南州也以正直忤物為邪醜正

一有辛字

已告終于官舍

君未弱冠號天踴地漿勺不入禮過成人察吏賄贈一無  
所受扶護艱險泣血萬里提携幼稚盡室獲全以某月日  
遷塋配廟禮物無闕由是以純孝聞服闕調補梁州參軍  
轉右衛錄事參軍相王府戶曹以清幹稱恩詔特加朝散  
大夫出宰郟陽符氏三原德風洽聞香聲遠茂君之臨猗  
氏也采田數十里上蔽荆榛下闢為鹵逋逃夜一作聚豺  
狼曉嗥公曰穀不足者地有遺利食不足者人有遺功長  
其荆棘孰若樹其禾稼聚其豺狼孰若利其貧窶乃尋斧  
鑿木踈鑿於涑州化草莽為陂塘變硤礪為墳壤人民

霽悅工亦子素雖史起也漳鄭國關白亦何加也人何其

德邑茂其功建頌立碑迄今斯在後中司撫循廉按嘉公  
不續焉為鄧州司馬兼陝門堰稻田使君迺谿白水之口

壅樊陽之陂築埽雲屯壘石山積樹建立則截流施局制

畜洩之門為水府之權分血脉之經緯為農夫之司命條

流百道浸潤七邑疆畦綺錯稼穡龍鱗田疇之歌何獨子

產宗司舉以即署擢授禮部員外屬東封扈蹕轉虞部員

外郎出牧泗州清明簡肅治行第一而地接吳楚氣候卑

濕因之疢癘辭以疾歸開元十九年十一月十九日終于

大梁旅館享年五十有五權曆大行山至德初累贈宋鄭

二州刺史李子翼自衡鄂轉運使兼漢南租庸從事爰適



上國分途啓扈奔就吉辰以大曆元年十一月十四日遷  
窆於京兆萬年縣之畢原先夫人崔氏稱祔焉禮也今夫  
人清河人也父諱惟明累遷海沂等州司馬兄鏡貌隱居  
大行累辟不起弟國輔秀才擢第制舉登科歷補闕起居  
禮部員外郎夫人冲和備體柔順居中出起仰茂先之箴  
閨門遵大家之誠自府君捐世庶務親臨存孤撫稚有妨  
禪寂是以通大乘頓悟門挹沆瀣餌花香而又現舉止之  
異者有二凡於宴坐口吐舍利香骨頂生如佛螺髻驚聞  
中外得未曾有翼等以額珠外見意寶內明釋氏前言今  
爲見世遂感涕捧戴歸於故園起塔瞻奉莫之測也及大  
寶末隨子權赴陝郡司馬屬在賊犯闕中原鼎沸權負液

翼自亂農藍田值潼關失守朝野震驚扶長携幼潛避山  
谷壘壘固陰深林酷冷因之遠裕至於彌留以其年九月

三十九日薨於終南山

一作所

居享年七十有三有子六人

長曰權故金州刺史次曰衡故洛州清漳尉次曰樞故檢  
校虞部員外兼侍御史次曰軫歙州別駕次曰房故渭南  
令季曰翼陝府長史兼侍御史丞陝府都防禦觀察陝虢  
等使惟軫與翼永號孤苦松楸斯拱銘碣未彰感奉遺範  
懼深失墜敬尊典故不慙以文其詞曰

於赫大祖蟬聯我王夢蘭異感剪葉殊詳擇賢建德立社  
封疆肇分枝族貽厥其昌淮安忠黨英靈倜儻率衆關西  
濟師江上膠西酷似文武不墜運屬休明化流撫字烈考



謫官遭罹艱時酷吏深文天下共悲君之岐嶷生知敏識  
磨礪節行韶晦仁德鍾罰蠻貊膺填氣塞天之輔護日茂  
嘉聲叅卿發跡語掾馳名宰邑佐都事明理貞爲卽起草  
後範規程出守泗濱明德惟馨繼踈躡陸脩身知止福亮  
未極壑舟旋徙倚那夫人性合天真心遊志道跡棄喧塵  
嘉偶君子敬待如賓衣冠之族禮樂之門詞林翰苑金友  
玉昆垂芳後業流慶無垠令聞不朽貞石斯存

御史中丞晉州刺史高公神道碑 盧虔

大曆七年冬十有二月辛酉御史中丞前晉州刺史高公  
薨嗚呼天柱折地維缺豈止梁木其壞大山其頽乎中書  
令滄陽王聞之衣及于寢門之外至哀不哭仰天久之曰

天喪余俾余曷所依律苟在飲公之化食公之德莫不叩  
心絕氣行號巷哭其月乙亥天王使中使來歸我公之賵  
贈潞州大都督詔曰狐裘濯冠勤固無歇閉閣留牘盡瘁  
有終謂公有古人之風故祝公以古人之節傳曰知臣莫  
若於君豈虛也哉公諱武光字淑貞其先渤海人也曾祖  
正初隋左金吾衛中卽將祖翰皇中散大夫常州長史皇  
考莊皇左驍衛將軍代濟忠貞保乂王室累膺熊羆不二  
之心佐盛德之後必有達者惟公生焉公則將軍之嗣子  
也在厥初生自貽哲命弱而幹父長乃克家耻雕蟲而不  
爲喜從龍而或躍故能事親克諧於純孝弼主必着其大  
忠忠孝並全社稷之衛也以申敬之勤有職洛交却安昌



府別將昭忠信也由是公忠壯自篤勤勞日宣爲國爪牙  
在帝左右美爾攸績於嘉乃勲累遷至忠武將軍守左清  
道率泊天寶未會幽燕階禍公密奏辨疑襲履霜之漸叩  
血流地上濺御衣雖涉 之諫不從而竭忠之誠克見帝  
嘉乃節拜右羽林將軍知軍事及亂作公待罪闕下曰臣  
始知之不能麋碎身首啓沃聖聰俾賊猖狂藥而不瞑眩  
誰之咎也敢忘其死帝遽錫公雜絲二百段瓶盤副焉曰  
予言無隱朕甚嘉焉言而不從朕之過也惟今之謀言姑  
將以爲親其年公陷賊境爲賊所得賊議焚太廟與清渠  
之役中使孫知古遇賊若爲爨鼓之事公節由義感忠以  
力成危言勃如賊爾咸若是歲國廟不焚中使復命公之

力也其有金鏃淫夷南冠繫俘咸賴迂續以求其命者可  
勝言哉其時賊議公本我唐之蓋公也不可以握兵之要  
恐通內外之言賊遂黜公出典故絳絳人聞公之至也公  
來其蘇公之牧絳也我窮則閱雖外困賊命而內綏我人  
億兆協心和樂且孺卒使苞茅之貢日臻乎行在及王師  
大來公志克遂墜城歸命乃享無疆之休易曰女子貞不  
字十年乃字其是之謂乎入朝肅宗詔復位羽林是歲年  
穀不登長安餓死相屬公颺言于上請出禁衛之米以斂  
餓者上多之乃俾公司出納之悽翌日餓隸復蘇人賴家  
給時謂之公致君邁於堯舜不然何博施之道廣耶越月  
除奉先是邑也有不腆之賦戶人逋其邑三千公戾止未



幾戶人復歸如初屬虜難未已時奴刺拔我鳳州皇上類  
能俾公康又公於是乎始有剖符之寄公之始至克黜戍  
難靖安西入疑作人踰月政成封內大理俾其裋疑之蓋及  
身于仁壽之域矣其年秋有詔遷梁州刺史克山南道觀  
察初商人吏那延西人之子也林遷員來遇疾而卒遂殫  
所得之資備送終之禮明日死徒數百人咸造公庭曰今  
有以見死者之幸我如此不如此無其如字人之恤飲水  
之繁不書可知也君子曰高公荷天之百祿末中無數由  
是汾陽王美公之政無度寶應初以今上之命命公救濯  
于絳加銀青光祿大夫絳人喜公其來如見父母戎首師  
韃光皇甫大冲率徒數千居郡之南山食人馬牛奪人妻

薄化封域之內密如也雖晉用隨會郡道出奔舜舉咎繇  
不仁者遠焉集作何以為比俄而分晉阻兵關東漸弊脇權  
相滅鮮克胥匡以公獨固大節仗大順初誘之以高位不  
從又逼以白刃不從身幾見危節終不奪可謂風雨如晦  
鷄鳴不已上徐聞其忠狀也加特進守左金吾衛大將軍  
又轉開府儀同三司試大常卿封渤海縣開國公食邑一  
千五百戶加一疑朝散大夫開歲遇汾陽王論晉倒懸之  
急若涉水之不濟由是上將公為舟楫克濟其難公自是  
以利往為晉康侯加御史中丞夫晉陶唐之舊也介二大  
都之間達四康衢之要賊臣之所讎歛王師之所蹂踐室



盡聞爾由其荒兮其有彼積之苗美哉之負則爲武臣所  
有其秋興履畝之役行比屋之積撫弱惇獨不畏強禦晉  
人沐公之惠如慶雲也一年逋逃復二年田疇闢三年之  
外中和之詠其棠之頌洋洋乎盈耳哉三年秋汾陽王復  
以公勤績克聞于上上俾公以尹河府浹辰之內揚然有  
聲晉人思公遺愛銘頌貞石經始有典不日成之覩而思  
仁墮淚于下汾陽王聞之復聞于上上詔公再造其晉加  
樂安郡開國公公之至也大耄鼓腹而歌群黎投杖而拜  
武人物戈以馳突樂正交鼓而和羅公旣喜迺如雲人亦  
沐公如雨風生草偃政簡人和陶然日遂其性矣以明年  
冬汾陽王以秦隴不關籍公以籌其策公罷候于晉克揚

斷士之烈無何清癘疔疾遂歸休于宣平私第病日臻旣  
彌醫銀青光祿大夫兼絳州別駕趙公蕪公之愛婿也素  
知其爲人名節清峻氣宇冲邈臨終之日托以後事而誓  
言于公曰嗚呼余不天余之性也克艱難昔往蹇之際不  
克抗臣節以死王事繫老母之故賴皇鑒之明以汾陽王  
靈不汝疵瑕獲保首領以免今死喪存至逃遁無所汾陽  
王生成之恩不得而答夫夫人罔極之德何階而報天乎  
天乎誰察余之心乎言終飲恨而歿享年六十有五夫人  
隴西李氏柔克宜家坤儀訓內享年不永先公而逝大曆  
八年正月五日詔贈郡夫人夫人以其月乙酉合祔于萬  
年縣鳳樓北原禮也公六典大郡三掌禁兵清儉以立身



貞而獲歿誰謂高氏無君子斯焉取斯太夫人隴西李氏  
廻已斷之傷就終焉之禮夫人天水趙氏誓同穴之志為  
未亡之人嗣子長曰昇次曰昱咸在童齒集蓼茹荼哭不  
絕聲盡而繼之以血也虔忝吏未會工為文受命于愛壻  
趙公俾光昭公之令德逖聽遺愛搨札而書不覺涕之沱  
若跪而銘曰

天贊皇明而公克生欽若王事有終于成乾乾惕厲蹇蹇  
忠貞二主禁兵六牧專城於穆性情疑洋洋頌聲九有作  
程惟皇之禎胡不終吉今天降疾禍昇福黜幽啓明空佳  
城鬱鬱備物秩秩送終于畢不思其出隴月霄吊郊雲曙  
嗟高公千秋此室

卷終

魏英華卷第九百二十四

碑八十一神道四十二

職官三十二

刺史六

黔州刺史薛舒碑一首

常州刺史獨孤及碑一首

房州刺史杜元徽碑一首温州刺史裴希先碑一首

黔州刺史薛舒神道碑

吉

名位所以寵賢爵祿所以馭貴德盛者慶遠源深者流長  
垂裕後昆啓迪前烈今見其人矣薛氏之先奚仲為夏車  
正仲虺為湯左相與滕爭長薛實先封佐漢登台因而胙  
土河東冠族代不乏賢五代祖道衡隋吏部侍郎內史侍  
郎隋文帝創造霸圖發揮綸翰變當時之文體高祖收皇  
朝行臺金部員外天策府學士我大祖之經綸王業專掌



詔檄擅經國之詞宗凡所事業著於史傳曾祖原超皇朝  
戶部尚書中書令汾陽縣開國男冊青景化金玉王度訐  
謨載於盟府故事留於臺閣祖毅皇朝鄜州洛交縣令大  
子舍人父儒童皇朝京兆府醴泉縣丞贈梁州都督潛德  
養蒙晦明藏用位不克量道屈安卑武子之德在人大立  
之德益茂府君諱舒字仲和醴泉府君之長子也元和誕  
靈純粹時秀覃訏有異敏惠夙成聞詩禮之義方深仁明  
之正性讀書知王霸大體覽史纂名臣高節脫畧細務經  
濟遠圖銓衡賞擢年十九授華州司士參軍從累士也轉  
相州司法參軍又遷岐州司功參軍鄴郡舊都扶風左輔  
豫曹之選必先才地以儒學飭吏以明察蒞官筮仕之朝

有令名再命而偃不忘循墻之恭三語故稱則聞趨府之  
譽堆案之下析滯無虞天寶初寰宇昇平典刑攸叙旁求  
端士以授法官拜大理寺丞敬爾繇獄有郡吏抵犯議合  
惟輕台臣作威俾令從重伏念累日至於旬時苟有動搖  
必將頗類彰書厥狀實曰非奉初秉直而不移終忤權搃  
獲罪貶青州司戶參軍君子曰守法不回正也移官無愠  
達也道不可屈身屈何傷無何授金州司馬遷夷州刺史  
舉淹滯擇蕪平也至德初遷渝州刺史西通楚道北控漢  
中山鎮縉雲峽通明月歌來慕於巴俗願借留於梁境昇  
課最矣君理行第一所居必聞冉季膺政事之科龔黃獲  
循良之首累遷巫溪二刺史蕪少府監殿中侍御史溪洞



雜類蠻夷徼外綬有素服小有底寧言語之所不通撫柔  
之化風靡寶應初皇上以四郊多壘五谿未安乃拜黔州  
刺史黔中經畧招討官觀察處置鹽鐵選補等大理卿兼  
御史中丞黔中者禹貢荊州之域秦開武陵郡其於土也  
大其貨殖也故有廩君之土舟擅寡婦之丹穴惠化所感  
無思不服昆明夷者西絕域開池習戰漢所未通遠聞德  
政翻然琛賫尤物來獻於重譯紫泥寶書屢榮於手詔尋  
加金紫光祿大夫御史大夫河東郡開國伯賞茂勲也十  
郡土氣百域異俗輕剽詣窳姦穴矯虔示之以威信興之  
以禮讓華風變於夷裔膏雨浹於殊壤方將作鎮藩翰永  
為長城天不憖遺人將安仰以大曆十年四月二十五日

薨於溪州之公館春秋六十有八勤王事也魏闕將朝來  
展韓侯之覲荊州罷市深懷叔子之仁百蠻感動三軍雨  
泣惟君子悌之性始於閨門忠義之誠聞於邦國少有大  
量幼而考成結綬勤王敬恭朝夕精識可以應務明斷可  
以折疑每推是心以接於物魏其廡下金盡散人汜毓室  
中衣無常主而雅好文酒醉猶溫克陶然忘機傲然自得  
儻來軒冕曾不在懷此則山簡之踈曠莊周之造道貴而  
不驕謙遜每推於寮友寬而能恕喜愠不見於家人信大  
雅之保身中庸之蹈道况乎負才器以身許國剖郡符簡  
易之風政行於南國者二紀領藩鎮者十年凡所條奏上  
簡聖心汝實專征嘗受元戎之鉞我惟共理兼榮副相之



印充國之功宣右地伏波之式是南邦遺愛去思古今一  
揆君外祖故中書令逍遙公常嗣立先朝碩德叔父故陳  
晉郡太守河南採訪使江童當代者名賢季弟前吏部侍  
郎今宣州刺史宣歙等州觀察使邕朝之俊茂既疑隋朝  
至今掌綸翰者四葉天寶之後膺方面者三人中外相門  
弄代文學閎闊之太莫之與京夫人京兆常氏故工部尚  
書東都留守虔心之次女琬疑作淑之德早映圖史柔明  
之姿動成師範方保榮於韓樂奄追悼於潘詩以求泰二  
年三月殂逝巫州宮舍追贈扶風郡夫人從夫貴也長子  
長卿貢明經安親次子左金吾衛兵曹安國早成訓遵皆  
成器業才行之美孝友彰聞友志不時相次淪天三子乘

痛卜云其吉列兆先塋不忘孝也第二女故梓州射洪縣  
令杜滔妻至孝純深提携孤幼江山險阻扶護言歸誠孝  
所通龜筮協吉喪事不敢不勉備物必誠必信聖恩震悼  
贈禮部尚書賻物三百疋仍令中使監護吊祭儀伏禮優  
常等飾終之典廻日月於佳城詔塋之儀濡雨露於泉隧  
以大曆十一年七月二十日合祔於萬年縣栖鳳原禮也  
季子大常寺奉禮郎遵誠協律郎遵誨太祝一作常非遵訓等  
七人童少而孤孺暮罔極松楸已拱地邇先君棣萼前剛  
塋連愛子封之若斧尚行夫子之規坎不及泉自合延陵  
之禮余忝內弟早荷周旋傳盛德而備詳叙高行而無愧



詞曰汾水源長條山連岡昇氣發祥大族其昌車正仕夏  
鈎衡佐湯贛君法令內史文章德厚慶遠才優道彰中書  
政本綸合傳芳時稱茂緒代濟業祉學小申韓藝通墳史  
邦有良翰朝推端士拆滯列曹申寃大理三黜無愠九遷  
茲始州縣斃勞雲霄則邇西南重鎮實倚長城夷落風變  
蚤陬化行駐車央遺攬轡澄清赤舄命服朱綸錯衡霜飛  
憲簡露温戎旌絕域輸一作納款殊方獻誠牙璋既備介圭  
方覲仁則宜壽天胡不憖迢遘江山悲涼旅櫬震悼宸哀  
哀痛藩鎮詔使護喪同盟執引哀哀孝子皚皚胤銘德叙  
功庶乎傳信

常州刺史獨孤及神碑

崔祐甫

昔劉向稱賈誼言三代與秦亂之意其論甚美達於國體

雖古之尹管

文粹  
作品

未能遠過又稱董仲舒有王佐之才雖

伊呂亡以加管晏之屬殆不及也烏

文粹  
作於

戲二君以偉才

嘗盛漢之崇而位止於下國二千石祐甫聞於先君僕射  
曰主恩非臣下之所國天命豈生人之所制有唐碩量深  
識之士曰獨孤常州諱及字至之河南洛朝人皇朝左千  
牛元慶之曾孫蔡州刺史思曠之孫殿中侍御史贈秘書  
監通理之第四子仕而遭時鵠立於朝建煥東夏三著嘉  
績嗚呼痛乎奄忽捐館其時也大曆十二年夏四月二十  
九日其地也常州之路寢其壽也五十三年夏四名公素  
見知者後進之士聞義嚮風者泊濠舒常三州之百姓莫



不堪集作膺流皆不宴不相泐辰彌月厚而惜之者往往

失聲出涕沈若公有子朗郁等年未齒厥兄檢校水部員

外郎兼侍御史汜方佐泚河集無此字東帥聞喪來奔半旬而

至惋毒之甚情二本不欲生既受吏人賓客之吊乃忍死

集作謀事以六月六日引使君之柩去常州歸洛陽其年

歲次丁巳十月朔七日塋我使君于河南府壽安縣其原

先秘監之塋以夫人博陵縣君崔氏祔馬禮也水部曰天

之降灾害二字集于我家仲叔季盡矣吾將老矣吾弟常

州之子未立今不刻石表墓則常州之令名何以傳於後

乃託我故人叙而銘之常州稟元和以生幼有成人之量

秘監府君親授以孝經常州一覽成誦秘監問曰汝志於

何句對曰立身行道揚明於後世是何尚二字文也自是

徧覽五經觀其大義不為章句學成童丁秘監憂勺飲不

入口者累日先夫人同郡長孫氏諭以不可滅性之義由

是微進饘粥杖而後起免喪加於人一等鄉族稱其孝焉

長孫夫人高行明識訓導甚至至常州漸教威器卓然有

立著延陵論君子謂其評議之精在古人右天寶末以洞

曉玄經對策上第超拜華陰縣尉著古函關仙掌二銘

格高理精當代詞人無不畏服俄屬中原兵亂避地于越

丁太夫人憂毀瘠過禮既外除江淮都督使戶部尚書李

奏為掌書記授左金吾衛兵曹參軍旅之事非其所好

未幾返初服今即上位下詔收俊茂舉滯淹政之大者以



公爲左拾遺凡所諫諍直而不訐寬而不撓削膏詭詞粹文

作屬豪不傳于外遷大常博士時新平大長公主之子裴訓詞

防尚永清公主初以太子少傅裴遵慶爲婚主將行五禮

公實相焉中使口宣詔肯易之大長主後夫姜慶初常州

曰婚姻之禮王化之階以異姓之人主之不可甚矣某不

奉詔中書令汾陽王時爲五禮使從焉又百官薨卒定謚

之際綜覈名實皆居其當與嚴河南郢訓荅呂荊州謹謚

議傳而正當時趨之遷尚書禮部員外郎受詔考第吏部

選人詞翰旌別淑慝朝野稱正上方大卹黎庶精選牧守

以公爲濠州刺史平其徭賦恤其冤弱課績聞上加朝散

大夫遷舒州刺史野集有境瀕江傍山群盜所聚或蟠結

林藪或趨起城市公惠以柔之武以讐之釋矛服來盡爲

良俗其他如在濠之政居一年璽書勞問就加尚書司封

郎中錫以金章紫綬屬江南旱歉比境之人流移甚衆公

忠集作心以撫舒獨完安天子聞而休之擢拜常州刺史

常州當全吳之中據名域沃土兵興之後中華剪覆吳中

州府此焉稱大故朝之選牧怕屬意焉公宣中和平易之

教務振人毓德之體百姓蒙化遷善不知所所以安而安吏

不忍欺路不捨遺餘糧棲畝膏路隘之集作公平生聞人

之善必榆揚之氣盡與之不啻若身得之後進有才而業

未就者教誨誘掖之惟日不足公之文章大抵以立憲誠

世褒賢遏惡爲用故論議最長其或列于碑頌文粹流于

世褒賢遏惡爲用故論議最長其或列于碑頌文粹流于



詠歌峻如嵩華盛如江河清如秋風過物邈不可逮公有  
集二十卷行於代若夫贊堯舜禹湯之命為誥為典為謨  
為訓人皆許之而不吾試論道之位集作任宜而不涉前是  
公之仲兄季弟伯姊三年之間繼歿執天倫之喪如荼如  
蓼竟以無祿天何不仁然則賈與董名位不盡其才吾先  
君之歎主恩天命斯見矣其銘曰

常州之德二本無此字孝行為大烝烝翼翼以敬以愛友于兄

弟如棒如戴常州之義篤于朋二本無此字友用之有恒行之

可父集作故之曰如扶危拯溺爾身我手常州之才施于

有二本無此字政扶柔三部謙以為柄龔遂國僑千古迭映常

州之文究其元二本無元字本質取其深文粹作艷從其損在星

之縞在衣之袞常州之年止干二本無干字身深去昭昭之盛

世與萬鬼而為隣白馬江上青鳥洛濱鶴鳴在原嗟爾元

昆縵經二本作在露血長號訴冤纂述遺美謂余不諉我見二本

作之子將二十年相投藥石胡疹不痊譬我於池子為之

泉譬我於桐子為之絃榮不獨遂難不隻全如何淑明推

馥碎堅斂衣楚挽徘徊墓田望之不見赴之無緣狸首班

如女手拳拳如天如天泣涕漣漣二本作狸首班如女手

房州刺史杜府君神道碑 劉大貞

茂天爵者薄人秩韜真機者庇世道是有草萊纓組塵埃  
聲利位始階而身退名始存而跡遠者見之府君矣府君



杜氏諱元徽字金剛京兆人也宗啓周封業光魯史層源  
演派疊萼舒英以地則因人斯大以世則令郡望族至若  
驟諫興王飛謀戰國垂康漢之緒著平吳之功咸寵冠往  
賢爵華前載斯粗舉而未能也曾祖良杞府君銀青光祿  
大夫國子祭酒贈左僕射祖士倫府君太中大夫左衛大  
將軍考玄隱府君游擊將軍商州禱水府折衝上柱國或  
遵揚儒風或宣肆武烈方傳學省勲在戎府俾昌而裕毓  
我今人府君貞量居體中和成性孝慈根於素風明敏彰  
於羈貫惟道素是味唯還丹是慕浮碧落而雲高立秋江  
而鶴遠旣而宗族喻良弓之業親朋示博帶之義事感干  
巾勉而筮仕解巾暑部戎校金吾左翊府尋授左監門衛

長史晁錯才識始從掌固揚雄詞賦仍聞執戟滯修鱗  
汗瀆棲逸翮於榆枌摩重宵躍洪瀾將有日矣然而雅好  
翰墨尤工弧矢援毫露垂舍拔星落修倒薤以借極掩穿  
揚而稱妙造次於是專精無怠况素以饒智於是隳身徇  
物則儒墨兩忘也匪江湖而閑匪仁義不修則朝野一致  
也是用齊榮賤混淹速歲星逾所名秩乃徒人不堪其望  
我則莫之屑其練性存神遠希彭羨猶初志也府君之從  
父昆弟有懸王官宿債者簡書煙交司空星至悉責薄產  
殆將不給且家人嗷嗷泉壤貽懼府君憂擢于貌事甚在  
已遂嚙所居之業而代償焉卜遷于西郊之別墅又有至  
自西州者官遊旣久田屋斯變陶園蕪松菊已荒江宅與



桑田俱盡府君復推別墅以居之其仁愛之厚多此類也  
屬虜起幽都兵交中原二京弛禁六龍備幸府君心壯血  
憤志圖家國乃激勸親族糾率子弟弦木礪金有車一乘  
督責遣之曰吾聞救時者無儉易赴難者無遠邇况文武  
繼代食君之祿者乎吾夙有林棲之契又齒髮將暮不有  
處者誰保家屬汝曹行乎吾欲兼濟遂提老襁幼集于終  
南時勲武爭搏齊人大擾戰血殷野傷魂嘯林丁壯濟師  
婦姑行餉府君深居事外適與靜合身絕輦角目無鋒刃  
天下鼎沸雲卧恬然伊昔漢臣擇日而不去秦客緣原以  
忘返屯往秦還我無凝滯由是故放蕩形役倘伴家林州  
閭歸仁疆理息訟儒書仙錄開卷自得鶴侶鳴儔風期相

評實清真上人也以乾元二年夏四月十八日遘疾終于  
長安居德里私第春秋六十有四夫人渤海郡太夫人高  
氏媛懿淑茂柔貞惠和含真樂道合府君之志以貞元四  
年秋九月庚午合葬于咸陽之洪瀆原禮也長子前河北  
招討都統領兵馬使銀青光祿大夫檢校太子詹事兼御  
史中丞上柱國建安郡王食實封一百五十戶季玘宣茂  
績於邦家施湛息於祖考忠誠好謀深毅能斷當禁衛之  
心膂總兵符於掌握皇威揚於外臣節固於中勲庸大來  
爵位斯集朝廷以府君重疑作垂裕道至貽謀慶深下詔褒  
寵用光幽宥贈房州刺史次子冠軍大將軍兼試太常少  
卿季璘探頤兵謀妙通劔術致身環列亦著殊名惟伯與



仲孝心罔極莫不切追遠之情循聿修之旨爰托圖篆式  
昭令德其詞曰

休祉錫美元淳毓靈是曰哲人惟道之英風質簡遠音詞  
淑清優游下秩想象高冥謀能固國射足觀德藥龜霜玄  
書池水墨義自情感仁非教植鬻業推居宗親翼翼當夷  
亂華高蹈雲崖子弟從師策勲王家艱難既平吐納元和  
玉貌雖全促齡如何詵詵令嗣忠武濟世位崇銀章權總  
輿衛是降褒贈載光幽寤攢疑詞揚休昭示來裔

故朝議郎使節温州諸軍事温州刺史克靜海軍  
使賜緋魚袋河東裴府君神道碑 權德輿

春秋時賢卿大夫皆叙其代功舊德章明以續集作績蓋黃

灑玉瓚之寶產於深山青廟夏屋之材秀於中林其或為  
珩為珮為節為稅無非禮神用備崇構洪河之東裴氏在  
焉自魏晉迄今忠賢輩出士林以為領袖史臣披於簡策  
而又奕代降休且公候上嬪王姬領方州者可得而言以  
刻金石曰君諱希先字某四代祖懷節皇給事中工部侍

郎荆揚二州

集無二字

大都督府長史洛州刺史謚曰定曾祖

昭歷司門度支二郎中衛尉太府二守卿祖確歷左右衛  
左右金吾衛四大將軍太府卿太子詹事平陽郡開國公  
謚曰貞自定公至貞公皆銀青光祿大夫以至烈考怍仕

至卿

集作麟非

州刺史太子僕贈絳州刺史凡四代貴仕左曹

二千石四衛九列副冬官尹東朝

集作明非

禮及易名恩深追



遠代修其業鍾羨於君君寬裕博厚恭儉莊誠資性端直  
 詞氣閑雅於經書泛為疏達而不窮章句於吏道通於理  
 述而不求聞問自解巾而至於捐館凡歷十一官無疵政  
 無違德祗守家法奉以周旋仕於宮殿始為僕寺進洗馬  
 中允再為家令仕於國王歷濟陳蜀三府初為騎曹掾次  
 為長史次為傳其初又為壽安丞後牧臨邛乃遷永嘉班  
 宣六條撫柔二郡惠和所被夷越嚮方其在朝也以晁錯  
 之智王陽之道而滯於散地括於久次其室符也仁如愛  
 利而必易集作不苟簡奉法循理亦不細苛居三年以疾受代  
 貞觀六年冬十一月没于鍾陵集作林非之私第享年若干明  
 年八月返葬于長安少陵原之菴塋以夫人末年郡主

禮也惟郡主玄宗之孫今皇帝之從祖姑也儲是慶  
 生而洵淑窈窕德象婉婉聽從備柔嘉之行成肅雍之道  
 初天寶十三年詔選資地才令以府君有安仁武子之美  
 而下嫁焉齊莊以主中饋和樂以宜姻之作配君子禮屬  
 家人嚴祭祀服幹濯者三十六年而没春秋五十八歲貞  
 元五年也鍾陵之守臣以聞上不視朝率禮有加嗚呼以  
 公之率履永年之仁淑宜其繁祉壽考子孫繩繩而生不  
 極其道歿無主其後此伯道之痛碩人之詩所由作也遺  
 命以兄之子某為副乃列其祖代官代請刻豐碑辭之不  
 獲乃繫詞曰

河東右族蕃衍紹績代功世祿昌而熾兮乃生永嘉剖符



承家實而不華諭於義兮二邦靜謐禮之善物朱轡赤舄  
亦為貴兮有齊末年作儷仁賢佩玉鎡然四德備兮天漢  
之尊平王之孫爛其盈門恭祀事兮返彼玄壤少陵之上  
終古悽愴金石識兮

文苑英華卷第九百二十四

文苑英華卷第九百二十五

碑八十二神道四十三

職官三十三長史

周隴右總管長史贈太子少保豆盧末恩一首

唐同州長史宇文珽碑一首

唐齊州長史裴府君碑一首

周隴右總管長史贈太子少保本傳及碑中豆盧

公神道碑一度信

君諱永恩字某昌黎徒何人本姓慕容燕文明帝旣之後  
也朝鮮微子之封孤竹伯夷之國漢有四城秦為一侯其  
先保姓受氏初在柳城之功開國承家始靜遼陽之亂自  
夫市星妖連津兵覆尚書府君改姓豆盧噉仕於魏祖代



左右將軍魏文皇帝直寢父長少以雄畧知名不幸早世  
周朝以公兄弟佐命義存追遠保定二年有詔贈柱國大  
將渾涪陵郡公是知春雨潤木自葉流根西伯行而疑推  
存及歿公以山岳精靈星辰秀異氣侔鍾鼎聲感風雲觀  
於秦兵尚稱童子對於楚戰猶在青衿太祖文皇帝乘時  
撥亂奄有霸業潁州一作從我舊愛無望春陵故人相知  
惟有普泰二年關西建義授殄寇將軍奉迎大駕賜封新  
興縣伯邑五百戶開新安之郡遷移揚僕之關解弘農之  
圍更入劉昆之郡援桴併轡並預前驅大統三年有沙苑  
之戰四年河橋之役介冑蟻虱戎馬生郊公應一作靈一作變愈  
長風颭更勇隱若敵國強人意授龍驤將軍中散大夫八

年授直寢右親信都督尋轉大都督加通直騎散常侍十  
六年授使持節車騎大將軍儀同三司魏元年授驃騎大  
將軍開府儀同三司鄧騭以漢朝親戚始授中台黃權以  
魏國功臣初登上將公頻煩寵授朝野爲榮三周書年都  
督成州諸軍事成州刺史尋加侍中外愬連帥振威百城  
內叅常伯榮高八舍于時隴坻黠羌時穿上谷榆中郡賊  
或聚漁陽公卷甲星馳長驅千騎迴洛克徒望風草靡瓜  
州豪傑束手歸軍後魏元年改封龍支乃抱罕郡也縣侯  
三年朝廷使大將安政公隨突厥一有天子二字吐蕃一作渾歸  
國河鄯二州屬當路首公領騎八千以爲戎防南通冊粟  
西望白蘭闕塞無虞公之勲也周元年授都督鄯州諸軍



事鄯州刺史其年改封沃野縣公增邑千戶二年授隴右  
總管府長史武成元年都督利涉汶三州諸軍事利州刺  
史五千兵破文州陽陣蠻仍平瀘水以保定元年一有將  
兵破巴州恒狹獠度瀘五月葛亮有深入之兵長坂九廻  
王尊有忠臣之路霜電不驚水草無乏天幸將軍斯之謂  
矣其年授司會八法斯掌九賦是均事總歲成功參日要  
三年還授隴右總管府長史公屢弼英蕃頻相大府北海  
入朝仰以對問東平謁帝因而定禮遂使馬首懷燕不無  
樂毅蕃臣擬漢或多因疑作田叔兄楚國公以參和挹讓並  
贊樂推建國開都奄荒南服求以先封武陽郡三千戶益  
公沃野之封朝廷以兄弟相讓不無前史推恩分邑有詔

增邑并前合四千七

周書作五

百戶既而六氣相犯五

觸靈壽不終遊竟且變盡於官舍春秋五十八

周書作四十八

詔贈少保幽翼定相等五州諸軍事幽州刺史謚曰敬公

禮也天和元

一作六

年二月六日葬於咸陽洪瀆州大夫墓

樹以栢諸侯墳高於雉嗚呼哀哉公資忠履孝蘊義懷仁

直幹百尋澄波千頃晉心職事愛玩圖籍官曹案牘未嘗

煩委

一推擁

戎馬交馳不妨餘裕兄弟公侯國朝親戚宜春

有湯沐之盛濯龍無流水之機渭南千畝之行尚懼盈滿

咸

一作池

陽二頃之田常思止足立身則十世可有遺子則

一經而已刺史賈逵之碑旣生金粟將軍衛青之墓方留

石麟乃爲銘云



朝鮮建國孤竹爲君稱高柳山名密雲遼陽趙裂武遂  
秦分寶珪世胄雖父勲名稱賓實言謂身文槌此含璋  
降茲岐嶽有犯無隱二道正直唯愛唯敬永成悅色枕籍  
禮園雷連學植左傳策叅帷帳功披荆棘韓陣揮戈齊城  
憑軾豹策乃建龍韜同啓校戰岐陽申威隴坻城壘畫地  
山林聚米上馬論書臨戎習禮賈復開營廉公屈禮從容  
傳會占對造請用此蕪平終茲寬猛綠林兵息潢池盜靜  
名振赤山威高青嶺玄獸浮河飛鎮出境災氣出隴毒水  
侵涇朝傾地鎮夜洛台星石壇承祀豐碑頌靈渭城前栢  
昌陵下庭湏知地市爲讀山銘

唐同州長史宇文公神道碑

楊炯

諸侯計功其銘曰仲山甫誠集作誠

于百辟大夫稱伐其

曰正考甫恭于集作於三命所以揚其先祖所以示其子孫

上古之初刊於禮樂之言中年以降述於宗廟之祖集作碑

文質既殊條流遂廣山河未配金石長存或旌原氏之阡

或表滕公之墓觀百林之字者孝蕪之舊業於是乎不愆

不忘讀黃鳥之詞者文範之餘風於是乎可久可大公諱

珽字救珉河南洛陽人也宇文歸之遠派字文翰之餘秩

龍火集作燭龍晝夜於鍾山集作東山鵬雲南北於溟海自中州圮

圯上國崩離魏氏揚集作志其寶圖齊人弄其神器則天有

成命周雖舊邦文下以業重三分昭事上帝武王以功成

八百陰隲下人車書混一於域中子第星羅於海內方於



劉澤乃集作天漢之懿 祝疋以曹洪即當途之近屬及其

集無隨室遷鼎重運 何固亦壇社仍存山河不替曾祖

顯和後魏將集作軍傳作冠朱衣直閣東夏州刺史車

騎將軍散騎常侍長廣郡本傳公周贈使持節開府儀同

三司延丹綏三州諸軍 事延州刺史周書有傳對揚天命

保又王家霍去病初封冠軍周亞夫始為車騎剖符之重

任在於六條建國之榮禮高於五等祖神舉使持節驃騎

將軍開府儀同三司京兆尹柱國大將軍并潞肆隋地里

志屬門石四州十二鎮諸軍并州總管東平郡公贈少保周書

有傳材優輔弼業贊雲雷晉則羊祐儀同楚則若集作救

魏國王章之拜京兆天子聞其直言郭伋之流并州諸

集恩信考誼隋文皇帝挽即皇朝益州青 州清苑

三縣令鈞深致遠直道正詞不及汲汲於富貴 乾於日

夕廣都蔣公琰非無社稷之能太丘陳仲弓自有閉門之

德公慶成孤矢氣襲芝蘭劍則赤山之精照牽牛於北列

集作斗集作鼎則黃雲之寶入天駟於東方資大老而立身蘊中

和以集作成德詞叅變化稽百之闕文學官田圖書閱三冬

之舊史司徒袁粲許之以枯栢豫章處士禰衡目之以椅

桐梓漆初任國子生擢第授道王府參軍兼鄭州參軍事

橫經太學射策王庭高陽才子宣慈惠和之譽武公新邑

濟河洛穎之間兼攝務啟參卿位重王徽之任達國士升

車劉簡之傳聞中即寓直秩滿授遂州司戶參軍事天關

六



并洛地綫江源財

集作才

雄翕習於外區棟宇相望於近甸

尹子

集作興

為政知陸續於賦人黃讜臨官識包咸於數子

尋遷絳州冀城今大梁星野少澤封圻城故絳以深其宮

都新田以流其惡實惟繁劇載佇循良魯國有司無擅徵

之事南陽郡吏罷休沐之娛州府狀聞鄉亭頌德亦由禮

讓之化綿竹於是乎作歌風俗之夷浚儀於是乎刊石稍

遷符璽即尋奉勅檢校鴻臚本官如故環濟要畧掌天子

之符璽劉熙釋名表京師之心腹是分麾節式贊王侯國

信不差郊迎有序遷尚書職方員外郎夏書禹貢辨其州

澤周禮職方明其物土清晨伏奏幾承題社之恩閑夜潔

齋惟有張燈之宿詔除朝散大夫晉州司馬尋遷長史平

陽舊縣姑射靈山玉印仍存瑤城未改習鑿齒之逢宣武

三命而踐侍中管公明之謁冀州四見而登別駕詔遷同

州長史河西輻輳渭北膏腴秦地之下邦漢京之左輔使

君何以為政端右宜其得人江統知賢直言則陳留阮宣

子唐彬

集作林

薦善通理則汝南王叔度王祥糾合屈公輔

之宏材荀爽逸群杜冲天之勁翮享年六十有五以永淳

元年六月二十一日終於華州之別業嗚呼哀哉公元亨

利貞文行忠信禮樂之君子儒林之丈夫當在顏冉中求

自是風塵外物友于之義伯淮與季江同寢朋從之道鮑

叔與管仲推財優游大學之中籍甚平臺之下輜車就烈

疑化洽於二同油軼當官政成於半刺道尊德貴而大位



不躋有志無時而天年不永即以其年十月遷窆於鄭縣

安樂鄉之西源嗣子某官等詩禮預聞筮象早學生則盡

其養劉啟積粟於七年歿則致其哀唐頌絕漿於九日占

白鶴相青鳥鄭伯所封有成林之采地晉侯所輅有河外

之城邑其川渭水而王璜其鎮華山而金石皆習集作習旟

旒紛紜集作紛紛野田范巨卿則素車來哭韓元良集作長則總

麻設位大夫受梁鴻之命終陪列士之墳事乎從田豫之

言竟托神人之墓集作家嗚呼哀哉銘曰

國自東集作有部承家集作家承北平遂荒中縣奄有神京時逢

日薄運改天正二王之後三代之英其一惟一示惟祖有

則大魏將軍隆周柱國於穆顯考其儀不一心禮樂宣風

闡門表德其二五才鍾秀百福與賢蜀都集作郡曾子漢代

淵公之廣學其積如山公之大辨其流如川共三親則郈霍

地居周鄭人物會同歌謠鼎盛設官外職天子有命束髮

登朝參卿軍集作改政其四江漢之流集作表河汾之都禮優懸

榻任重前樞集作驅六重為貴皇天降符九州為廣益地開

圖其五平陽土守下部風俗秦晉閭閻山河軌躅緹油之化

海沂之典始聽鷄晨行復驥足其六龜長筮短吉往凶來賓

朋永訣徒御相哀華館無家集作象玄堂不開青龍水曲白

馬車迴其七漠漠古墓郭門之路械械寒桐平林之東天光

少日地氣多風凡生物而必死唯君令始而善集作令終其八

唐齊州長史裴府君神道碑 李迥秀



蓋聞仲弓之德太丘播其英聲休徵之道瑯琊聞其茂績  
 是知利之所博非待殖林而貴名之所遵無假列爵而重  
 若乃地兼崇祿門檀清華邁揭氏之五公冠張候之七葉  
 森森棟幹聞謝樹之生庭落落瓌竒見常珠之照乘其於  
 裴府君具之矣公諱希惇字虔實河東聞喜人也有若顓  
 頊遵昌源於長流有若大費啓洪基於敷土后子保河汾  
 之邑非子據沂渭之封千乘由其克昌三牢疑所以能顯  
 至如司空領袖吏部清通勢壓八王名高百秩家風祖德  
 亦何代無其人哉曾祖靜慮世系表作澄字靜慮後魏著作郎諫議  
 大夫散騎常侍金紫光祿大夫汾州刺史謚曰文儀刑雅  
 淡籍甚當時業茂丞鼎功標彞器祖尼後魏給事中奉

翻尉通直散騎常侍贈輔國將軍隨州刺史道著嚴廊

光朝野屬詞留於騎省追旌彼疑作於外臺父之隱按世

希淳乃之爽之子隱乃之爽之兄 隨侍御史上儀同三司駕憲二部侍郎

扶風河南二郡贊治皇大僕司農二少卿武安郡太守始

州刺史通直散騎常侍益州長史會稽縣開國男謚曰安

望重縉紳榮兼出內寄隆咨岳任切象河八命遵其衮裳

五等列於蒲穀公承積慶之繁祉稟中和之正性清光初

起照金玉於靈臺雅量甫成鬱松筠於識宇遠慕先王之

道繼通賢哲之德弘止水以待物仰高山以立身涯埃莫

窺宮墻罕測談諧諷席業優學舞然則幽林之芳必薦於

三閣井里之寶自運於十城解褐授普安郡丞轉蓬州別



駕君山該博屈伏六安之丞仲舉峻清來從譽州之辟方  
 義比德千載一時除冀州南宮縣令兩河舊殊常之地中  
 冀為絕北之野民俗昌阜政化大行肥野庶問而識賢孔  
 丘及庭而稱善徒瀛州樂壽縣瀛壖之境風壤所接人民  
 知方不言自理稍遷雍州鄂縣令王畿之地帝京是屬子  
 羽捨困於櫟陽無伯祈星於緱氏庶能之化復如在昔拜  
 齊州長史歷下咽喉華泉襟帶州將所其四見王化合於  
 萬里公銓藻品第股肱拜國百姓又安一變鄒魯奏課連  
 最已申考功之名奉計京師遷有永明之拜既留郡邸遣  
 疾彌留上藥難逢莫觸疑作一豎之害中使罕遇不賭十  
 全之術以未徽元年三月四日終於長安春秋六十三建

景龍年中續戎帝錄禮穆王姬以公嫡孫遷尚主之故  
 下制追贈使持節商州諸軍事商州刺史魏后悅平叔之  
 才晉皇貪司空之族寵成外館榮被宗祔惟分豪邁不群  
 風韻彌邵澄清內英華外發辨馮言泉韶光於若納之旨  
 學該書圖梅跡於惟疑之地總六藝之隅奧括百行之樞  
 機質負珪璋門維軒蓋祖孫流譽聚穎川之德星鄉邑稱  
 高載平輿之月旦威儀棗棗聲望雅雅猶鄧林之徙植若  
 咸池之疏派公之宰樂壽也既去之後吏人追思美政遂  
 為立碣不其頌歌無間於刊勒榆次紀石止事於身後歷  
 職著聞皆此類焉夫人京兆韋氏贈扶陽郡夫人祖恭故  
 上大將軍隨州刺史建安公父仁基故綿州別駕龍州刺



史殷伯兆其綿構楚傳開其茂緒朱綬隆可疑及之暉黃  
金著經藝之績夫人笄纚式典遵寢門之雅訓匪盥有行  
叶宜家之縟禮言容孔備國史聿修重莖是奉蘋藻無置  
加以深悟空寂大闡迦維究隨順理開決擇分六姻景行  
九族式瞻有婦德焉有母儀焉以乾封二年十一月二日  
終岐州司士官第春秋六十七粵以景龍三年十月二十  
六日合葬於咸陽之北原禮也嘉耦是合未窮絳縣之壽  
同穴終窆遽開京兆之阡勅萬年縣令盧齊卿監護葬事  
并給帳幕手力羽儀鼓吹仍送至墓所贈授制莽疑率禮  
加於茲日輕車介士盛儀方於昔年有子六人長曰思進  
位隨縣令贈蒲州長史太僕卿次曰思約世榮州威遠

次曰思禮位宋州穀熟縣令次曰思政太學生次曰  
王位太子僕少曰思溫太學生荀氏八龍且知慙德東萊  
千里不足方駕懷仁服義海內所推曳組簪纓朝中歸美  
並父從運惟未及卜宅風烟銷歇霜露霑濡嫡孫選馮臚  
卿駙馬都尉上柱國魏郡開國公行極天經才爲世出門  
題金榜家振玉簫雕軒秀輟結徹於平陽之第青巾紫綬  
交錯於沁水之園當年之盛如此永慕之心如彼夫計功  
稱伐里藹於舊聞勒銘刊頌義炳乎來裔豈可使恂櫟靡  
述衛鼎無聲爰訪世親俾叙鴻烈其詞云

惟霍之鎮積玉含章彼汾之水神禹敲光豈獨靈異亦誕  
賢良培風直上籥影高驤家聲祖德川流岳峙家聲伊何



載於國史祖德伊何冠乎人紀翕習交映芬芳不已公之  
生也克壯其猷勝衣志立弱歲名道華如琬琰絕代莫儔  
柳若蘭蕙亦孔之休如登之堂月將日就詞高文苑理窮  
辨圍研味風騷倚撫科箠一日千里一年三秀筮仕之班  
應務陟歷爲邑累諫列郡成績忘其伎求晦茲矯敵令門  
令望知柔知錫疑作如錫藏舟易失傳新不停未聞九轉俄  
愴百齡功著口實德範明經安仁願誅子玉思銘黑水西  
流黃山東出季武成寢滕公見日烟隧蒼茫颯柝簫瑟人  
世雖謝德音可述

文苑英華卷第九百二十五



載於國史祖德伊何冠乎人紀翁習文賦發芳本已公之  
生也克壯其猷勝衣志立弱歲名道華如瓊瑛絕代其備  
柳若蘭其亦孔之休如登之堂月將日就詞高文苑理窟  
辨幽研味風騷擗科翰一日千里一年三秀重仕之班  
應務隄登為邑累陳列郡成績志其枚來晦茲矯啟公門  
令望知素知錫設作如錫藏舟易失傳新不停未聞九轉成  
槍百發功著口實總範明經安仁領誅于主恩銘異木西  
流黃山東出季武成窳藤公見日驅諶吞花賦和爾送人  
世雖謝德音可述

文苑英華卷第九百二十五



